

HEADLINES

- ۱۔ وزیر اعظم نریندر مودی اپنا 2 ملکاں غا دورہ اگ دوجا مرحلہ مانہہ اج مالدیوز پُج گیا ہیں جت وے مالدیوز غا صدر ڈاکٹر محمد میوز نال کئی معاملات ور تبادلہ خیال کریں گا۔
- ۲۔ وزیر اعظم نریندر مودی اج بھارت گا دوجا سب تیں زیادہ لمبا عرصہ تک لگا تار وزیر اعظم گا عہد ور فائز رہن آلا وزیر اعظم بن گیا ہیں جناب مودی نے سابقہ وزیر اعظم اندر اگاندهی غی مدت اقتدار نانہہ پیچھے چھوڑ دتو۔
- ۳۔ پارلیمنٹ غا دواں ایواناں گی کاروائی حزب اختلاف گا احتجاج غے چلتیں اج پورا دن وستے ملتوی کردتی گئی۔
- ۴۔ وزیر اعلیٰ عمر عبداللہ نے جموں کشمیر عمارتاں تے دیگر تعمیری کام کاج فلاحی بورڈ غی اک میٹنگ غی صدارت کی۔
- ۵۔ سرینگر غا حول علاقہ مانہہ قائم شری شاریکا دیوی مندر مانہہ اج چھڑی مبارک غی رسومات ادا کی جے گئی۔

PM MALDIVES VISIT

وزیر اعظم نریندر مودی اپنا 4 روزہ بین العقوامی دورہ غا دوجا مرحلہ مانہہ برطانیہ غا دورہ تیں بعد اج مالدیوز میل پُج گیا ہیں مالدیوز غا صدر ڈاکٹر محمد میوز نے ویلنا بین العقوامی ہوائی اڈہ ور وزیر اعظم نریندر مودی غو گرم جوشی نال استقبال کی واضع رہ کہ یوہ وزیر اعظم غو مالدیوز غو تیجو دورو بے تے صدر مالدیوز ڈاکٹر محمد میوز غی صدرات مانہہ پہلو دورو بے اس دورہ غے دوران وزیر اعظم نریندر مودی مالدیوز اگ سدر نال کئی باہمی معاملات ور تبادلہ خیال کریں گا تے اجتماعی معاشی تے حفاظتی سراکت داری متعلق سانجے طور جائیزو لیو جے غو۔

PM 2ND LONGEST TERM

وزیر اعظم نریندر مودی نے اج ملک غیتاریخ مانہہ ایک عظیم مارکو پار کی وتے دوجا ایسا وزیر اعظم بن گیا ہیں جن نے سب تیں زیادہ دناں تک ملک گا وزیر اعظم گ وعہدو سنبھالیو اس تیں پہلاں بھارت غی سابقہ وزیر اعظم اندر گاندھی نے اتنا لمبا عرصہ تک ملک غی وزیر اعظم رہن گو ریکارڈ قائم کیو تھو واضع رہ جے وزیر اعظم پہلا غیر کانگریسی لیڈر ہیں جن نے یوہ ریکارڈ قائم کیو بے اس تیں علاقہ جناب مودی ملک غا پہلا ایسا وزیر اعظم ہیں جن غی پیدائس ملک غی آزادی تیں بعد غی بے ت وے غیر بندی ریاست تیں تعلق رکھن آلا ایسا وزیر اعظم ہیں جننے سب تیں زیادہ دناں تک وزیر اعظم غ اہدہ ور فائز رہن گو ریکارڈ قائم کیو بے 74 سالہ نریندر مودی نے 26 مئی 2014 نانہہ پہلی بار ملک غا وزیر اعظم غا طور ور بلف لی وتھو تے اج غی تاریخ تک کل 11 سال تے 60 دناں تک بطور وزیر اعظم اپنی خدمات دے ریا ہیں اس تیں پہلا سابقہ وزیر اعظم اندر اگاندهی نے اپنا وزیر اعظم گا دورانیہ غے دوران 11 سال تے 59 دناں تک بطور وزیر اعظم خدمات انجام دتی تھی اُن تیں پہلا بھارت غا سابقہ پہلا وزیر اعظم جواہر لال نہرو نے 16 سال تے 286 دناں تک وزیر اعظم غ اہدہ ور فائز رہے غے بھارت غی تاریخ مانہہ سب تیں زیادہ عرصہ تک وزیر اعظم غ اہدہ ور فائز رہنگو ریکارڈ قائم کیو تھو۔ وزیر اعظم نریندر مودی غا اس عہدہ ور فائز رہن تے دوجا سب تیں زیادہ وقت تک ملک گا وزیر اعظم غا طور ور خدمات دین ور بی جے پی ممبر پارلیمنٹ اپراجیتا سارنگی نے ذرائع ابلاغ نال گل بات کرتا واں اس طرح کہیو۔

PARL ADJOURN

پارلیمنٹ غا دواں ایواناں غی کاروائی حزباختلاف غا شور شرابہ غے کارن پورا دن وستے ملتوی کردتی گئی لوک سبھا غی کاروائی 2 بجے دوبارہ شروع کی گئی لیکن حزب اختلاف غا ممبران نے اپنو احتجاج جاری رکھیو تے ایوان غی کاروائی مانہہ رُکاوٹ پیدا کی بی جے پی ممبر پارلیمنٹ جگدمبیکا پال نیحزب اختلاف لیڈراں تیں اپیل کہ کہ وے اپنی نشستیں ور بیٹھیں تے ایوان غیکاروائی نانہہ احسان طریقہ نال چلندیں لیکن باربار اپیل کرن غے باوجود حزب اختلاف نے اپنو احتجاج تے نعرہ بازی غو سلسلو جاری رکھیو جس غے چلتیں ایوان غی کاروائی معتل کردتی گئی اسے طرح غو منظر راجیہ سبھا مانہہ وی دیکھیو گیو راجیہ سبھا غی کاروائی پہلاں 12 بجے تک ملتوی کی گئی لیکن بکھ بکھ معاملات ور حزب اختلاف غا احتجاج تے نعرے بازی غے چلتیں راجیہ سبھا غی کاروائی وی پورا دن وستے ملتوی کردتی گئی۔

LS APM

لوک سبھا غا اسپیکر اوم برلا نیاج لوک سبھا مانہہ تمام پارٹیاں اگ لیڈراں غی میٹنگ کی تانجے جاری مونسون سیشن غے دورام ایوان غی کارکردگی بہتر طریقہ تیں چل سکیں اس میٹنگ مانہہ اتفاق رائے قائم ہوو کہ سوموار تیں ایوان غیکاروائی آسانی سنگ چلائی جے غی جناب برلا نے زور دیتا واں کہیو کہ ایوان غی کارکردگی ہموار وے تانجے سوال و جواب غا وقت غے دوران بحث کی جاسکے اس میٹنگ مانہہ بی جے پی، کانگریس، ایس پی، جے ڈی یو، ت ٹی ایم سی، سمیت دیگر جماعتیں غا لیڈر موجود تھا۔

PROG ANNOUNCEMENT

علاقائی خبراں گو شعبو آکاشوانی جموں 26 واں کرگل وجے تہاڑہ غا موقع ور 30 منٹ گو ایک خصوصی پروگرام نشر کرریو ہے یوہ پروگرام 26 جولائی 2025 نانہہ تہاڑی 12 بجے 39 منٹ ور نشر کی وجے گو اس موقعہ ور ریتائرڈ بریگیڈر وجے ساگر دیمن کرگل وجے تہاڑہ غی مناسبت نال اپنا خیالات سانجا کریں گا اس موقعہ ور مارا اینکر شری کھجوریہ پروگرام غی میزبانی کریں گی۔ سامعین آکاشوانی نیوز جموں میڈیم ویو 303 میٹر یعنی 990 کیلو ہٹز ایف ایم 100.3 تے 104.5 میگا ہٹز ور یہ نشریات سن سکیں غا۔

CM BOCWWB MEETING

وزیر اعلیٰ عمر عبداللہ نے اج جے اینڈ کے بلنڈنگ ت دیگر تعمیراتی مزدوراں غی فلاحی بورڈ غی میٹنگ غی صدارت کی اُنہاں نے تعمیراتی مزدوراں تیاں غا خانداناں غی فلاح واسطے کی گئی کوششاں غی تعریف کی وزیر اعلیٰ نے فائدہ شفاف طریقہ تیں تے وقت ور پُجن غی ضروریات ور زور دتو تے افسراں نانہہ ہدایت دتی کہ اس سکیم غی رسائی نانہہ بدھاویں عمل نانہہ آسان بناویں تے یوہ یقینی بناویں کہ کوئی وی اہل مزدور فائدہ تیں محروک نہ رہ جے۔ اس موقعور نائب وزیر اعلیٰ سریندر چودھری وی موجود تھا۔

CHHARI MUBARAK

شری امرناتھ جی یاترا غی چھڑی مبارک انتظامیہ نے اج سرینگر غا بول علاقہ مانہہ واقع شری شریکا دیوی مندر مانہہ تاریخی پوجا غی تقریب منعقد کی مہنٹ دپندر گیری جی نے سادھواں

گا ایک جتھہ غے نال مل غے مندر مانہہ مذہبی رسومات نانہہ انجام دتو جھپڑی شری امرناتھ یاترا
غی روایت غو حصو بے بڑی تعداد مانہہ عقیدت مند تے چھڑی مبارک غا جتھہ غو لاک اس مقدس
مبارک گا جتھہ غے نال مل غے مندر مانہہ مذہبی رسومات نانہہ انجام دتو جھپڑی شری امرناتھ یاترا
غی روایت غو حصو بے بڑی تعداد مانہہ عقیدت مند تے چھڑی مبارک غا چتھی غا لوک اس مقدس
موقع ور موجود تھا تے عقیدت غے نال اس مانہ شامل ہوا۔ ذرائع ابلاغ سنگ گل کرتا واں مہنت نے
اس طرح کہیو۔

DC RAJOURI

ڈپٹی کمشنر راجوری ابھشیک شرما نے اج یاترا میدان راجوری غو دورو کیو تانجے آن آلی شری بڈھا
امرناتھ جی یاترا واسطے تیاریاں گو جائیزو لیو جاسکے اس دوران ڈی سی نے پارکنگ غی سہولت
طبی ٹیماں غی تعنیاتی پین غا پانی غی دستیابی موبائل بیت الخلا نانہہ لانو۔ حفاظتی انتظامات
صفائی رہائش ت دیگر اہم سہولیات غو تفسیلی جائیزو لیو اُنہاں نے یاترا کمیٹی غا ارکان تیں وی
ملاقات کی ڈی سی نے متعلقہ افسراں نانہہ ہدایت کی کہ تمام رہائش مراکز ور آیوش باے تربیت
دین آلاں غی تعنیاتی نانہہ یقینی بناویں تانجے یاتریاں نانہہ بنیادی فلاح سہولیات فراہم کی
جاسکیں۔

KISHTWAR INTERACTIVE SESSION

گورنمنٹ ڈگری کالج کشتواڑ غی این سی سی یونٹ نے اج کالج کیمپس مانہہ ایک حوصلہ افزائی
پروگرام فوج غے اندر میجر اکشے غے نال ایک انٹرویو سیشن غو انعقاد کیو۔ اس سیشن گو مقصد
طلباء نانہہ بھارتی فوج غی زندگی اُن اگ اصولاں تے نوجواناں واسطے دستیاب مواقع غا بارا
مانہہ گہری معلومات فراہم کرنو تھو، پروگرام مانہہ مہمان خصوصی میجر اکشے نے اپنا شعوبہ غی
حقیقی زندگی غا تجربات سپاہی غی سخت زندگی گا بارا مانہہ بصیرت تے ملک غی خدمت غا
خواہش مند طلباء واسطے حوصلہ افزا مشورہ پیش کیا تقریب مانہہ تقریباً 50 طلباء نے جوش
وخروش تیں شرکت کی اس بارے گل کرتا واں
این سی سی کیڈٹ نے اس طرح کہیو۔
